

Konfirmant 2025

Informasjon om konfirmanttida
i Fjell, Foldnes og Landro kyrkjer





Velkommen som konfirmant!

Så spanande at du vil bruke dette året på å vere konfirmant!

Du skal få vere med på mykje ulikt gjennom året, og få bli betre kjend med både Gud og deg sjølv (og kanskje få deg nokre nye vener?)

Overskrifta for konfirmantåret er "Loved".

Vi trur at Gud skapte deg og elsker deg akkurat slik du er. Vi trur at Jesus elsker deg så høgt at han døydde for deg. Vi trur at Gud skapar tru og kjærleik i oss, som vi får dele med andre.

Utfordringa til deg dette året er:
Kva skal dette bety for livet ditt?

Tilrettelegging av konfirmantåret

Vi legg til rette for at alle som ønskjer det skal kunne vere konfirmant.

Det kan vere mange ulike grunnar til at det er vanskeleg å vere med i det ordinære opplegget. Om det gjeld kritisk eller kronisk sjukdom, sosiale vanskar, psykiske utfordringar, utviklingshemming eller fysisk funksjonsnedsetting vil vi alltid prøve å finne ei løysing på konfirmantåret ut frå dine forutsetningar.

Ulik tilrettelegging kan vere: mindre grupper, 1-til-1-undervisning, tilrettelegging av materiell eller rom, eigen konfirmasjonsgudsteneste.

Ta kontakt med Beate Sørhus (bs845@kyrkja.no) så vil vi saman finne ei god løysing.

Til deg som ikkje er døypt

Til våren (februar/mars) vil vi ha ei eiga dåpsgudsteneste for ungdom som vil bli døypt før konfirmasjonen.

Før dåpsgudstenesta blir det eit lite dåpskurs, der du skal få lære meir om kva dåp er, og kva det betyr å bli døypt.

Velkommen til dåp!



Konfirmantsamlingar

Å vere konfirmant er å bli betre kjend med den kristne trua og di eiga tru.

På konfirmantsamlingane i kyrkja skal du få lære, erfare og oppleve kva den kristne trua handlar om. Du skal få undre deg over det som er for stort til å forstå, du kan lure på og spørje om alt mellom himmel og jord, og saman skal vi lære om kva som er kjernen i trua vår.

Gjennom bibel, leik, bønn, undervisning, refleksjon, samtale og oppgåver skal du få smake på kristen tru og tradisjon.

Vi skal samlast i kyrkja annankvar veke, rett etter skuletid. Vi har lagt opp samlingane slik at det skal gå an å ta buss frå skulen til kyrkja. Sidan undervisninga er rett etter skuletid, startar vi samlinga med eit måltid mat. Semesterplanen for di gruppe kjem i august.



- I Fjell kyrkje blir det samling annankvar torsdag kl. 15.00-17.20
- I Foldnes kyrkje blir det samling annankvar tysdag kl. 12.20-14.40 eller torsdag kl. 15.00-17.20
- I Landro kyrkje blir det samlingar annankvar tysdag kl. 13.30-15.45

Interessegrupper

Alle konfirmantane er med i ei interessegruppe. I interessegruppa får du vere ein del av fellesskapet i kyrkja. Det er mange ulike aktivitetar å velje mellom, og dei varierer i både innhald og tid.

Gruppene kan vere alt frå kor, band eller klubb til lysmesse eller konfirmantleir.

Du vil få meir info om interessegruppene på T14 - Opptart 5. sep.

Gudstenester

Som konfirmant vil du bli godt kjent med gudstenesta i kyrkja di. Før konfirmasjonen skal alle konfirmantar gå på minst 8 gudstenester i kyrkja.

Kvar gong du er på gudsteneste får du eit ark i døra. På dette arket får du skrive ned litt av dei tankane og dei inntrykka du får i kyrkja. Det er desse arka du brukar for å registrere at du har vore på gudsteneste.

Dei aller fleste søndagar er det gudsteneste i kyrkja di kl. 11, men nokre gonger er det gudsteneste på kveldstid i staden for. Hugs derfor å sjekke nettsida til kyrkja før du setter på vekkerklokka til søndagen!



Presentasjonsgudsteneste

I september blir det presentasjonsgudstenester for alle konfirmantane.

På presentasjonsgudstenestene blir namna på konfirmantane lest opp, og alle får utdelt ein bibel, som vi skal bruke gjennom året.

Fjell 1. sep. kl. 11: Kolltveit krins
 8. sep. kl. 11: Knappskog, Skålevik, Tellnes og Ulveset krins

Foldnes: 8. sep. kl. 11: Foldnes og Hjelteryggen krins
 15. sep. kl. 11: Brattholmen og Bjørøy krins

Landro: 15. sep. kl. 11: Alle konfirmantane i Landro kyrkje

Foto: Den norske kyrkja /
Simen Prestaaen



Konfirmasjonsgudsteneste

I mai blir det flotte og høgtidelege konfirmasjonsgudstenester i kyrkjene våre. Med kvit kappe på skal du få komme fram til alteret i kyrkja. Her vil vi be for deg, og be Gud velsigne framtida di.

Konfirmasjonsdagen er ei flott avslutning på konfirmantåret, og vi håpar at du allereie nå har begynt å glede deg til alle som vil feire deg på denne dagen.





Felles konfirmantsamlingar

T14 - Oppstart: 5. sep.

Torsdag 5. september kl. 18 blir det oppstartssamling for alle konfirmantar og foreldre i både Fjell, Foldnes og Landro kyrkje. Dette blir ein flott oppstart på konfirmantåret, med både humor og høgtid. Det blir god info om konfirmantåret, og særleg kva interessegrupper konfirmantane kan velge mellom i år.

Fasteaksjonen: 6. april

Fasteaksjonen er Kirkens Nødhjelp sin årlege innsamlingsaksjon. Dette er ein veldig viktig del av konfirmantåret, der konfirmantane får vere med på å gjere ein forskjell i ei urettferdig verd. Denne dagen er konfirmantar frå heile landet med på å samle inn pengar til kyrkja sitt bistandsarbeid. Alle konfirmantane er med på aksjonen, og går med bøsse i sitt nærområde.

Øving til konfirmasjon

Omlag ei veke før konfirmasjonen blir det øving til konfirmasjon i kyrkja. Her får du info om konfirmasjonsgudstenesta, du får øve på det vi skal gjere og får utdelt konfirmantkappen du skal bruke.

Til foreldre og føresette

Informasjon

Gjennom konfirmantåret er det e-post som er hovudkanalen for info, men nokre ting blir òg sendt ut i posten. Hugs å gi beskjed dersom du skulle flytte eller endre e-postadresse, slik at du er sikra at informasjonen kjem fram.

Du vil alltid finne informasjon om konfirmantåret på nettsida vår kyrkja.no/fjell/konfirmant. Dersom det er noko du lurar på, eller info du ikkje har fått, ta kontakt med Beate Sørhus (bs845@kyrkja.no).

Foreldresamlingar

Det blir tre foreldresamlingar i løpet av konfirmantåret:

- T14, 5. september. Samling for konfirmantane og foreldre/føresette.
- Foreldresamling i januar/februar, med informasjon om Fasteaksjonen.
- Foreldresamling på øvinga, ei veke før konfirmasjonen. Her blir det info om konfirmasjonsdagen og utdeling av kappar til konfirmantane.





Fasteaksjonen

Søndag 6. april arrangerer vi Fasteaksjonen i Fjell, Foldnes og Landro kyrkje. På Fasteaksjonen håpar vi at de som foreldre kan bidra med dugnadsarbeid. Vi treng folk til å bake, køyre bil, telje pengar m.m. Det kjem meir info om Fasteaksjonen på foreldresamlinga i januar/februar, men fint viss du allerede nå kan holde av ettermiddagen.

Gudstenester

I løpet av året skal alle konfirmantane gå på 8 gudstenester. Vi vil spesielt invitere deg som er forelder/ føresettt til å gå saman med konfirmanten din på gudstenestene.

Gudstenesta er ein flott mulighet til å gjere noko saman, på tvers av generasjonane.

Økonomi

Konfirmantåret har ein eigenandel på 700,- Dette dekker utgifter til mat og materiell på samlingane. Ein del betalte dette ved påmelding. Alle andre vil få tilsendt ein e-post med lenke til betaling.

Økonomi skal ikkje vere ei hindring for deltaking. Dersom du har vanskar med å betale, ta kontakt med Beate Sørhus (bs845@kyrkja.no), så finn vi ei god løysing.



DEN NORSKE KYRKJA
Øygarden kyrkjelege fellesråd